

**KEV NRHIAV IB TUS KWS LIJCHOJ
LOSSIS IB TUS TIBNEEG PAB TXOG
IMMIGRATION:
TEJ YUAV TAU XYUAS**

- ❑ Tus tibneeg uas pab tawm tswvyim kom ua tej ntaub ntawv kom raws kevcai no puas yog ib tus kws lijchoj uas tau laixees los ntawm lub State Bar of California? Tus tibneeg ntawd yuavtsum tau muab nws tus lej ntawm nws daim laixees hauv State Bar rau koj. Nug saib tus kws lijchoj ntawd puas tau raug dua luag muab nws qhuab-ntuas li.
- ❑ Cov tibneeg pab ua ntawb ntawv immigration (nkag tebchaws) yuavtsum tau muaj nyiaj lav (bond) txog li \$50,000 thiab muab tej ntaub ntawv uas qhia tias nws muaj nyiaj lav ntawd rau koj. Teev tus lej ntawm daim ntawv uas qhia txog tej nyiaj lav ntawd cia.
- ❑ Nrog lwm tus uas paub nws tham. Nrog cov tibneeg uas tau siv cov kev pabcuam ua ntaub ntawv Immigration ntawm tus neeg pab ua ntaub ntawv lossis kws lijchoj no tham; nrog tej lub koomhaum uas koj ntseeg siab tau rau hauv zejzoz tham. Tsis txhob lam qaug quav rau tej lub npe haib haib lossis cov ntawv uas nws muaj dai rau tim phabntsa.
- ❑ Hais kom tus neeg pab ua ntaub ntawv lossis tus kws lijchoj ua daim ntawv sibcog lus, tabsis tsis txhob suam npe rau daim ntawv ntawd yog tias koj tsis totaub tias nws hais licas.
- ❑ Nrog ib tus tibneeg uas koj ntseeg siab tau rau tham uantej koj suam npe rau ib yam dabtsi lossis them ib qhov nyiaj rau leejtwg. Tsis txhob ntseeg tej tus tibneeg uas pheej xav kom koj ua li uas nws hais tamsim.
- ❑ Xyuas kom daim ntawv sibcog lus teev cov kev pabcuam uas nws tau cog lus rau koj lawm thiab qhov uas hais tias koj yuavtsum tau them nyiaj npaum licas.

- ❑ Daim ntawv sibcog lus lus nrog ib tus neeg pab ua ntaub ntawv immigration yuavtsum yog muab sau ua lus Askiv thiab koj yam lus.
- ❑ Koj muaj cuabkav thim ib txoj kev sibcog lus nrog ib tus neeg pab ua ntaub ntawv immigration thiab tau txais koj cov nyiaj uas them lawm rov qab. Koj muaj cai tau txais tagrho koj cov nyiaj rov qab yog koj thim tsis dhau li 72 teev tomqab koj suam npe sibcog lus tas. Koj yuavtsum tau sau ntawv mus thim koj daim ntawv sibcog lus ntawd.
- ❑ Xyuas kom koj tau txais ib daim receipt uas muaj hnuv uas koj them thiab koj tau them npaum licas lawm. Xyuas kom yog tus tus neeg pab ua ntaub ntawv lossis tus kws lijchoj yog tus suam npe rau koj daim receipt.
- ❑ Luam ib ib daim ntawm daim ntawv sibcog lus, daim receipt thiab cov ntaub ntawv uas nws tau ua rau koj cia. Sau txhua yam uas tau hais kom meej thiab muab khaws tseg cia.
- ❑ Tsuas yog luam tej ntaub ntawv tseemceeb uas koj muaj rau tus neeg pab ua ntaub ntawv immigration lossis tus kws lijchoj xwb. Khaws tej ntaub ntawv tseem uas koj muaj cia zoo.
- ❑ Tsis txhob suam npe rau tej daim ntaub ntawv immigration uas koj tsis totaub ib zaug li. Koj ua txhaum kevcai yog tias koj suam npe rau INS ib daim ntawv lossis lwm daim ntawv uas hais tsis tseeb. Hais kom ib tus neeg los txhais tej ntaub ntawv ntawd rau koj yog tias koj nyeem tsis tau ntawv Askiv.
- ❑ Ib tus neeg pab ua ntaub ntawv immigration lossis kws lijchoj tsis tsimnyog ua thiab xa ib daim ntawv INS yog tias daim ntawv ntawd nyuaj dhau hwv rau koj totaub lossis yog tias koj tsis totaub hais tias yog vim licas koj thiaj tau ua daim ntawv ntawd.

KEV PABCUAM IMMIGRATION



Tivthaiv Koj Tus Uas Yog Neeg Siv Cov Cai



Chaw Pab Kev Ua Ntaub Ntawv Immigration

BILL LOCKYER
Thawj Saib Cov Kws Lijchoj
Xeev Kalifonias

2001



Yog tias koj xav tau neeg pab koj ua koj tej ntaub ntawv immigration, ua zoo xyuas tus neeg uas koj mus thov pab koj ntawd. Tsuas yog cov kws lijchoj uas tau laixees los hais plaub ntug hauv lub xeev lossis hauv tsev hais plaub ntug qibsiab xwb thiaj yog cov uas muaj cuabkav tawm tswvyim txog kev ua ntaub ntawv raws kevcai thiab sawvcev rau koj tau hauv ib lub tsev hais plaub ntug txog immigration. Cov neeg tau ntawv tsocai sawvcev lawm thiaj muaj cuabkav sawvcev tau rau koj hauv ib lub tsev hais plaub ntug txog immigration. Hauv Kalifonias, cov notaries public, cov neeg pab ua ntaub ntawv kom raws kevcai, cov tau ntawv tsocai sawvcev thiab cov neeg pab ua ntaub ntawv immigration tsis yog kws lijchoj tas tus.

Nws txhaum kevcai uas ib tus neeg pab ua ntaub ntawv immigration yuav los tawm tswvyim txog kev ua kom raws kevcai lossis tawm tswvyim txog kev plaub ntug. Ib tus neeg pab ua ntaub ntawv immigration tsuas yog muaj cuabkav los pab tau tej yam uas tsis hais txog kevcai lossis plaub ntug, xwsli txhais koj tej lus teb rau cov lus nug hauv INS cov ntawv, luam tej ntaub ntawv uas yuav los txhawb, thiab, yog tias koj thov kom lawv ua, pab xa koj cov ntaub ntawv mus rau tom INS. Tsuas yog ib tus kws lijchoj xwb thiaj yog tus pab tawm tau tswvyim txog tej yam uas hais txog txoj kevcai, xwsli qhia rau koj tias yuav tau ua thiab xa daim ntawv twg mus rau INS.

Ceevfaj cov tibneeg dag uas muaj cuabkav yuav ua rau koj poob ntau txhiab dullas thiab pab tsis tau koj tej ntaub ntawv immigration. Txiavtxim siab tias cov kev pabcuam uas koj xav tau yog dabtsi thiab muab tus nqi rau cov kev pabcuam ntawd ntawm ib tus kws lijchoj mus piv rau tus neeg pab ua ntaub ntawv immigration saib kim thiab pheejiyig npaum licas. Yog tias koj xav tau ib tus kws lijchoj, nug hauv lub State Bar of California lossis cov koomhaum kws lijchoj hauv koj lub nrog. Tej zaum thaum ua ntaub ntawv tas ib tus neeg pab ua ntaub ntawv tus nqi yuav kim npaum li ib tus kws lijchoj tus nqi li lawm thiab.

Tej txhia kev dag:

- Cog lus tsis tseeb lossis tsis ua raws li uas cog lus tseg thiab dag tias nws hais tau kom INS ua li uas nws hais. Yeej tsis muaj leejtwg yuav muaj cuabkav lav tau tias koj yeej yuav tau koj daim ntawv tsocai rau ua haujlwm xwb xwb lossis yuav tau txais lwm yam hauv immigration.
- Hais tias nws yog ib tus neeg pab ua ntaub ntawv immigration lossis ib tus kws lijchoj tabsis qhov tseeb tiag nws twb tsis yog.
- Yuav ib tus tibneeg li nyiaj tabsis tsis ua ntaub ntawv dabtsi li rau tus tibneeg ntawd.
- Ntxias kom ib tus tibneeg dag rau hauv nws daim ntawv immigration lossis kom dag rau ib tus neeg ua haujlwm hauv INS.
- Khaws ib tus tibneeg cov ntawv tseem cia thiab yuav tau txhiv nyiaj thiaj kam muab rov qab.
- Ua tej daim ntawv uas tsis muaj tseeb. Xwsli, ua ib daim ntawv thov nyob tebchaws no rau ib tus tibneeg uas yeej paub lawm tias yuav thov nyob tebchaws no tsis tau.
- Kom them tus nqi tagrho uantej, tabsis tomqab ntawd tseem pheej ho kom koj them nyiaj ntxiv nws thiaj yuav ua ntaub ntawv ntxiv rau koj.

Cov Chaw Hu Mus Nug thiab Qhia Kev Tsis Txaus Siab:

- California Department of Justice (Phab Saib Kev Plaub Ntug hauv Kalifonias) Office of Immigrant Assistance (Chaw Pab Kev Ua Ntaub Ntawv Rau Neeg Nkag Tebchaws) (888) 587-0557 <http://www.caag.state.ca.us>
- State Bar of California (Phab Muab Laixees Kws Lijchoj hauv Kalifonias) (800) 843-9053 <http://www.calbar.org>
- Tus District Attorney hauv koj lub nroog (Tus Thawj Tswj Kev Plaub Ntug)

Chaw Hu Mus Nug Saib Tus Neeg Pab Ua Ntaub Ntawv Puas Muaj Nyiaj Lav (Bond) txog \$50,000:

- California Secretary of State (Tus Thawj Ceev Txhua Yam hauv Kalifonias) (916) 653-4984 http://www.ss.ca.gov/cgi-bin/bond_search.cgi

Chaw Nrhiav Cov Neeg Tau Ntawv Tsocai Sawvcev:

- U.S. Department of Justice (Phab Saib Kev Plaub Ntug hauv Amelikas) <http://www.usdoj.gov/eoir/statpub/raroster.htm>